

# MME N̄KPỌ EKE ENAMDE OWO ODOT NDIDI N̄WAN-NDỌ CHRIST

Mme N̄ke 31:10-31; Matthew 25:1-30; Eriyarare 2:1-4

## ỌYỌHỌ UKPEP-N̄KPỌ 363

### Eke Ikpọ Owo

**IKỌ IBUOT:** “Eyak nnyin idara inyuñ idat esit, inyuñ inọ Enye ubọñ; koro ekem ini ndọ Eyen-erọñ, N̄wan Esie otim idem ebeñe Enye” (Eriyarare 19:7).

#### I. N̄wan Ndọ Christ Ebiet Enyene Ido Añwan

1. Enye edi owo akpanikọ, Mme N̄ke 31:10-12; Matthew 24:45-47
2. Enye edi anam utom ke unyime esit, Mme N̄ke 31:13-19, 22-25; Genesis 24:18-20
3. Enye añwan mbon ubuene onyuñ ọfọn ido, Mme N̄ke 31:20, 26; Psalm 112:9; James 1:27
4. Enye inyeneke ubiom-ikpe ibaña nditie ifu mme nditre ndinam ubiqọn utom esie, Mme N̄ke 31:21, 27; Mme Hebrew 2:3
5. Uteñe Abasi anam enye oñwum mfri itoro emi, Mme N̄ke 31:28-31; Psalm 111:10; Mme N̄ke 22:4; Isaiah 11:2

#### II. N̄ke Ke Abaña Nditọ Iban-Duop

1. Nditọ iban duop ebet ini ọdọ-ndọ edidide, Matthew 25:1-9
2. Ọdọ-ndọ edi ndien ubahare ada itie, Matthew 25:10-13

#### III. N̄ke Ke Abaña Talent

1. Ema edeme Talent enyuñ eda mmọ enyam urua, Matthew 25:14-18
2. Ọbọñ mmọ ọnyọñ isañ edi ndien ubahare ada itie, Matthew 25:19-30

#### IV. Etop Emi Ekenode Esọk Ufọk Abasi Ke Ephesus

1. Etoro ufọk Abasi ke ediwak n̄kpọ, Eriyarare 2:1-3
2. Kpa ye oro enye ama ọkpọn akpa ima esie, Eriyarare 2:4

### SE EKPEPDE EBAÑA

#### Anana Ndo N̄wan-ndọ

Etiñ ebaña N̄wan-ndo Christ nte “Ufọk Abasi emi ọyọhọde ye ubọñ, minyuñ inyeneke ntọi mme eriñwine mme oruk n̄kpọ eke etiede ntre” (N̄wed Mbon Ephesus 5:27). Enye edi “edisana eyen-añwan” (2 N̄wed Corinth 11:2), “enọ enye ndisine ediye linen eke asanade onyuñ esemde” (Eriyarare 19:8). Edinam-asana kpa edisana esit, edi enọ emi enye ọbọde oto Iyip Enye emi ọkọdukdẹ uwem Esie ke abaña enye. Enye enyene ndinana ndo ke kpukpru usuñ n̄kpuhọre ye mbon ererimbot nnyuñ nsaña ke edisana ido kpukpru usen uwem esie. Enye enyene nditiñ enyin didie nsaña man edi kiet ke otu mmọ oro “Abasi okokotde onyuñ emekde, emi enyuñ edide mme anam akpanikọ” (Eriyarare 17:14). Kpa ye oro etop ikot ana ọnọ “owo eke amade” ndidi N̄wan-ndọ Christ.

#### Edinam Akpanikọ

Yak ikere ibaña mmọ emi edide Iban-ndọ nte enyene-ido añwan emi etiñde ebaña ke Mme N̄ke 31:10-31. Utọ esie iwakke ndidu, ekọm-urua esie akan pearl anyan usuñ. Nso inam enye etie ntre? “Esit ebe esie ọbuọt idem ye enye.” Edieke enye (ebe) ebighide ndidi ke isua kiet, edieke ebighide ndidi ke isua duop, enye n̄wan idikpaha mba, idinyuñ ikopke mmem-idem, idinyuñ idukke nduk ye mbon ererimbot, me ndinam mme usuk ido ererimbot. Idighe ntre! Esit esie adiana ye eke Christ, ndien Enye ekeme ndinin n̄wan-ndọ Esie ke akpanikọ. Ido edisine n̄kpọ ererimbot emi idukke enye enyin, anam owo ikemeke ndikut enye ye n̄kpọ emi edade eyet ke mkpọk-inua, me ndiyara idet-unam, me ndisine n̄kpọ eke midotke. Yak mme owo ekot enye enyene akani ido añwan; esit esie osuk ọwuhọ ke Enye.

#### Edifube N̄kpọ Ererimbot

James ama okut ediwak owo emi ererimbot ama ekedep esit mmọ, ndien enye ama ofiori ete: “Mbufo iban n̄ka-owo, nte mbufo ifiokke ite, eridi ufan ye ererimbot edi eridi usua ye Abasi? mmọdo owo ekededi eke oyomde ndidi ufan ye ererimbot anam idem usua ye Abasi” (James 4:4). Ufok Abasi eyo emi esin efibe ye ererimbot, edi mmọ idighe iban-ndọ Christ.

Eke di n̄kpọ mfuhọ ke ini ekọn, ndikut nte ediwak iren owo ekekpọnde iban ndọ mmọ emi mmọ emade eka anyan ebiet man ekeñwana ekọn enọ idut mmọ; ndien nte kiet osiode ikpat, owo efen ediduk edep esit añwan esie, ndien enye akabare ọsuhọ ikpọn ke mfuhọ. Ediwak owo ke enanam ukem emi ye Eyen Abasi. Mmọ emi ekpenamde akpanikọ enọ Christ ema ayak ererimbot ebe oduk onyũ edep esit mmọ. Mmọ enam ukem se mbon ererimbot enamde ndinem idem mmọ esit. Mmọ eka mme itie mbre ke okoneyo, eka itie ubre nsa ye itie n̄kpọ ererimbot eken. Mbon eken ayak mbubehe mmọ ekan mmọ ubọk ndien eduk ebuhọ ke mfina uwem emi, ndien ayak ima Christ ọfionre ọkpọn esit mmọ. Jesus ọfiok utọ esit eke Enye ekemede ndinim ke akpanikọ, ndien Enye kononim n̄wan-ndọ Esie ke akpanikọ.

### **Ntiñ-Enyin**

N̄wan-ndọ Christ okpon akan edisana-eyen añwan, emi akamade idem ke edisana onyũ esinede ediye ọfọndem, emi awańde ubọk etie ke ido ifu ke enyọn udori-ibuot ebet ini emi Ọbọn esie edidide. Enye enyene ndinam, nte mme asian nditọ iban ekenamde, enyene nsuhọ aran ke ekpeme esie emi edide mbiet Edisana Spirit. Ke ini owo ọbọde Uduok-mmọn Edisana Spirit, Spirit Abasi ebe oduk ke uwem esie man oduń do onyũ ada ukpọn oro usuń, man ọnọ owo oro odudu ye uko ke utom Ọbọn. Ntem ke n̄wan-ndọ Christ “onyũ ada ubọk anam mmọ ke ofuri ima esit” (Mme N̄ke 31:13). Enye otim etiñ-enyin ke utom emi Abasi okokotde enye ete edinam.

Ke n̄ke emi abañade Talent, Jesus emen owut ufọn emi odude ke owo nditim nsin ifik nnyũ n̄nam akpanikọ ke utom Esie. Abasi ọnọ ifet ndida n̄nam utom nte ukeme nnyin edide. Kpa ini oro Ete nnyin ke Enyọn ọnọde nnyin talent, n̄wan-ndọ, ke ima idibiatke ini ndida enye n̄nam utom. “Enye otim ese ido ufok esiemọ, inyũ idiaha udia ifu” (Mme N̄ke 31:27). Ke akpa ifet utom esie eketie nte etre ke ufok esie ikpọn, edi ibighike, “enye anyan ubọk esie ọnọ mme ubuene” (Mme N̄ke 31:20). Enye ayarade okut ufok odori ke eto-ufiak-ndidi,” anam ọfọn ọnọ nditọ, ọyuhọ mme inua ọbiọn ye udia, onyũ ekese eka emi ọdọfọde.

Nte ekutde utom ime ye eti-ido esie, enye okut nte eyomde uñwam esie uwak-uwak. Ndisuk ekeme ndikot enye ete edika ekese mme owo ke mme ufok-ibọk, mme etiñ mbuk erinyaña ọnọ mme owo ke ufok-n̄kpọkọbi, mme ọnọ mmọ eke ema ekesop usuń ke idiok-n̄kpọ ke mme ikpọ obio.

### **Uteñe Jehovah**

Enye otim enyene ntọtuńọ ima ọnọ eti idaha Ọbọn esie emi enye mikwe, ndien mme nti utom edinen ido esie emi edotde se etorode, etop ewọrọ ye uteñe emi edude ke esit esie. Enye oyom ekpono Akwa Enyiñ Ebe-Esie ke utom ekededi eke enye anamde ke ofuri eyo uwem esie.

### **Aran**

“Enye ebiet ubom mbon urua; ada udia esie ke anyan ebiet edi.” Ke didie ke N̄wan-ndọ edifiok ete ke imọ ikemeke ndibere ke ikpikpu n̄kpọ ererimbot, edi ke ndibe-itie esie, ayak esit esie enyene ebuana ye Abasi ndien ọbọ ukeme ye mfọn ndida n̄nam uwak utom esie, ndien ada “udia” esie ke anyan ebiet edi. Uwem-edibọn akam esie anam enye osuk aka iso ndinyene aran ke ekpeme esie ndien ke ntak oro “utuenikañ esie inimeke ke okoneyo.”

### **Unana Aran**

Ufọn ndinim Aran eke Spirit edi se emende ewut ke mbuk mme asian ye ndisime nditọ-iban. Mme asian ema eduk ke idara usọrọ-ndọ, edi nso ikotibe ye mme ndisime? Ọkwọrọ-ikọ eyo eset kiet eketiñ ntem abañna mmọ ete, “ke akpanikọ ata ọkpọsọn ekim unana-idorenyin ama abahare iban ition emi ekedude ke mfuhọ nte mmọ ekesuk edade ọtọ kiet ke enyin-usuń ye mme utuen-ikañ emi mikasakke ke ubọk mmọ. N̄kanika ndọ ama akabare edi eke ini mkpa. Mmọ ikedighe mme asua ọdọ-ndọ, mmọ ekekere ete ke mme-imọ idi mme ufan esie. Mmọ ayak ini ebe ndien inyeneke se ekeyomde, ndien editre ndinam ubiọn utom mmọ ama ebe se ekpeyọde.”

Nso n̄kpọ iketin akwa ukpuhọre ke ufọt otu iba emi? Kpukpru mmọ ekebet ebe-ndọ; mmọ kpukpru ema edaha ke enyọn ke ini ekopde mfiori enyũ enam ikañ mmọ ayama man ekesobo ye enye. Ini oro ke ition ke otu mmọ ekeyarade efiok ete ke mmimọ ima isin ndida aran nte edikemde. Aran edi mbiet Spirit Abasi. Mmọ ema etre ndisuk n̄ka iso ke ndinyene ebuana ye Abasi emi edide se inamde Spirit aka iso oduń ke ukpọn.

## **Editre Ndinam Ubiqñ-Utom**

Mme ndisime nditọ iban ema enyene ubiom-ikpe ke spirit ke nditre ndinam ubiqñ-utom mmọ, ke ntre ema ebioñọ mmọ ndibuana ke usọrọ-ndọ. Ufọk Abasi emi okodude ke Ephesus ama ọduọk akpa ima ndien se enye okoyomde ekedi edikabare esit. Mme utom, edinam ye ime esie ikenyeneke udori adaña nte enye ama ọkọkpọñ akpa ima oro. Owo emi ọkọbọde talent kiet ama okut nte efiakde ebọ eye, enyuñ esio enye eduok ke ata ọkposọñ ekim koro enye ekesinde ndida talent oro nnam ñkpọ. “Nnyin idinam didie ibọhọ edieke nnyin isinde erinyaña eke okponde ntem?” (Mme Hebrew 2:3).

## **Ñkukut**

Ndusuk owo eyema ndinam se edọhọde mmọ enam, edi etre ndikut se mmọ ekpenamde emi akanarede mmọ okuk. “Nte mbufo idọhọke ite, eyesuk ọfiọñ inañ ndien osim ini ukpeñe? Sese, mmọdọhọ mbufo nte, Emenere enyin ese iñwañ ete ñkpọ adat ke esit ama, ekem ini ukpeñe” (John 4:35). Nwan-ndọ Christ okut akwa iñwañ utom Abasi ke otu uduot owo; idiok-ñkpọ ye idiok itie, udọñọ ye unana, edidu ke ufok-ñkpọkọbi ye ndobo, edi se inade ibet enye. Mme edinam esie edi edinam mbom, ndien mme utom esie edi utom ima, ndien “ewuhọ ima onyuñ odoro enye ke edeme.”

## **Utip**

“Nditọ esie edaha ke enyọñ ekom enye, ebe esie ñko onyuñ ooro enye.” Nso utip idinyene ubọñ ntem, ke ini Edidem edidọhọde enye ete, “Edi, mbufo emi Ete Mi ọdiọñde, edida ubọñ emi ekenimde enọ mbufo toto ke eritọñọ ererimbot” (Matthew 25:34). Ke utọ ini oro, uwak idomo emi ekeyọhọde ke uwem esie, eyebe ekpọñ enye, ndien ibọrọ esie eyedi, “Ọbọñ, ini ewe ke ikokut Fi etiede biọñ, ndien inọ Fi udia; mme nte itọñ asatde Fi, ndien inọ Fi mmọñ? Enye eyebọrọ ete, “Adaña nte mbufo ekenamde ñkpọ emi enọ kiet ke otu nditọ-ete Mi, kpa ata ñkpri emi, mbufo ekenam enọ Mi” (Matthew 25:40).

## **MME MBUME**

1. Mme anie edi iban-ndọ Christ?
2. Tiñ ndusuk nti ido nwan-ndọ?
3. Edisana eyen-añwan ọwọrọ didie ke ñkan spirit?
4. Nso ikanam ukpuhọre odu ke otu mme asian ye mme ndisime nditọ iban?
5. Nso ke aran ada onọ ke Ikọ Abasi?
6. Nso akpan ukpep-ñkpọ ke ikeme ndisio nda ke ñke emi abañade ndisana nditọ iban?
7. Nso idi talent?
8. Ekedeme talent etiene nso?
9. Nso ke Ọbọñ okoyom ndikut nto nditọ-ufok esie ke eridi esie?